



REPUBLIKA E SHQIPËRISË  
ENTI RREGULLATOR I ENERGJISË  
BORDI

VENDIM

Nr. 216, Datë 18.09.2025

MBI

**DHËNIEN E AUTORIZIMIT NGA ERE PËR NDRYSHIMIN E ORTAKUT QË  
KONTROLLON INTERESAT E SHOQËRISË “D I E Z E L A” SH.P.K.**

Në mbështetje të nenit 16 të, ligjit nr. 43/2015 “Për sektorin e energjisë elektrike”, të ndryshuar; neneve 5, 7, 9, pika 4 dhe 5, dhe nenit 10, të Rregullores për procedurat dhe afatet për dhënien e autorizimit nga ERE për ndryshimin e statusit ligjor të të licencuarit, ndryshimin e ortakut/aksionarit që kontrollon interesat e të licencuarit dhe vendosjen e kuotave/aksioneve të ortakut/aksionerit që kontrollon interesat e të licencuarit si mjete për garantimin e përmbushjes së detyrimit/eve ndaj të tretëve, miratuar me vendimin e bordit të Entit Rregullator të Energjisë (ERE) nr. 235, datë 26.11.2021; si dhe nenit 15, të Rregullores për organizimin, funksionimin dhe procedurat e ERE-s, miratuar me vendimin e bordit të ERE-s nr. 96, datë 17.06.2016; Bordi i ERE-s, në mbledhjen e tij të datës 18.09.2025, mbasi shqyrtoi relacionin me nr. 2358/3 prot., datë 15.09.2025, të Drejtorisë së Licencimit dhe Autorizimeve, “Mbi kërkesën e shoqërisë “D I E Z E L A” sh.p.k. për dhënien e autorizimit nga ERE për ndryshimin e ortakëve që kontrollojnë interesat e saj”,

**Konstatoi se:**

Për qëllime të shqyrtimit të kërkesës për dhënien e autorizimit për shoqërinë “D I E Z E L A” sh.p.k., është ndjekur procedura dhe është analizuar dokumentacioni si vijon:

**1. Kërkesa për Marrjen e Autorizimit**

- Shoqëria, me shkresën nr. 2358 prot., datë 26.08.2025 ka depozituar kërkesën dhe dokumentacionin për marrjen e autorizimit të ERE-s për ndryshimin e ortakut që kontrollon interesat e të licencuarit, specifikisht nga Z. K M (me 100% të kapitalit) tek Z. L M (55% të kapitalit), i cili bëhet ortak kryesor i saj dhe Z. C Q (45% të kapitalit).

**2. Shqyrtimi i Kërkesës dhe Kërkesa për Dokumentacion Plotësues**

- Shoqëria “D I E Z E L A” sh.p.k. është licencuar me vendimin e bordit të ERE-s nr. 16, datë 23.01.2020, i ndryshuar, në veprimtarinë e prodhimit të energjisë elektrike.
- ERE me shkresën nr. 2358/1 prot., datë 04.09.2025 i ka kërkuar shoqërisë të përcjellë dokumentacionin /informacionin e pa plotësuar për këtë aplikim.
- Shoqëria me shkresën nr. 2358/2 prot., datë 08.09.2025, depozitoi sa kërkuar, duke plotësuar tërësisht dokumentacionin e nevojshëm për këtë aplikim.

**3. Përfundime dhe Kërkesa të tjera për Dhënien e Autorizimit**

- Nga analiza përfundimtare e dokumentacionit të përcjellë nga shoqëria “D I E Z E L A” sh.p.k., rezulton se është dorëzuar dokumentacioni në përputhje me kërkesat e parashikuara në nenet 5 dhe 7 të “Rregullores për procedurat dhe afatet për dhënien e autorizimit nga ERE për ndryshimin e statusit ligjor të të licencuarit, ndryshimin e ortakut/aksionarit që kontrollon

*interesat e të licencuarit dhe vendosjen e kuotave/aksioneve të ortakut/aksionerit që kontrollojnë interesat e të licencuarit si mjete për garantimin e përmbushjes së detyrimit/eve ndaj të tretëve*”, miratuar me vendimin e bordit të ERE-s nr. 235, datë 26.11.2022, si vijon:

- Neni 5, pika 2 - Kërkesa dhe dokumentet shoqëruese janë nënshkruar nga administratori i shoqërisë.

#### **4. Plotësimi i kërkesave të nenit 5:**

- **Neni 5, pika 4** - Dokumentacioni është paraqitur në gjuhën shqipe, në format origjinal ose të noterizuar dhe i shoqëruar me kopje elektronike.
- **Neni 5, pika 5** - Shoqëria nuk kërkon që ndonjë dokument të konsiderohet konfidencial në këtë aplikim.

#### **5. Plotësimi i Kërkesës sipas nenit 7:**

- **Pika 1** - Janë paraqitur të gjitha të dhënat e kërkuara mbi shoqërinë, përfaqësuesin e autorizuar, arsyet mbi ndryshimin e ortakut/aksionarit aksionarit që kontrollojnë interesat e të licencuarit, efektin e pritshëm pas miratimit të transferimit dhe ndikimin e transferimit në ushtrimin e aktivitetit të licencuar, *një përshkrim të kandidatit të propozuar, informacion mbi kontributin financiar që do të japë*.
- **Pika 2** - Janë dorëzuar të gjitha dokumentet përkatëse, përfshirë ekstraktin historik të regjistrit tregtar, vendimet e organeve drejtuese, marrëveshjen përkatëse dhe dokumentacionin tjetër shtetëror si më poshtë vijon:
  - **Gërmat “a” dhe “b”** - Janë plotësuar të dhënat e kërkuara mbi identitetin e të licencuarit dhe adresën e tij.
  - **Gërmat “c”, “d”, “e” dhe “f”** - Është dhënë informacion mbi arsyet e ndryshimit të ortakut, efektin e pritshëm pas këtij miratimi, përshkrimi i kandidatit që kontrollojnë interesat dhe kontributit të tij financiar.
- **Pika 3** - Shoqëria ka shlyer të gjitha detyrimet financiare ndaj ERE-s.

#### **6. Kushtet e Vendosura për Dhënien e Autorizimit**

- Shoqëria ka përcjellë njoftimin e bërë në MIE (shkresën nr. 03/2025 prot., datë 17.04.2025), nëpërmjet të cilës ka njoftuar këtë të fundit, *në lidhje me kalimin e pronësisë mbi kuotën nga ortakut i vetëm Z. K M, tek Z. L M dhe Z. C Q. Gjithashtu në këtë shkresë bëhet me dije se kalimi i pronësisë së kuotës, përfshin transferimin e të gjitha të drejtave dhe detyrimeve që shoqëria ka ndaj palëve të treta, përfshi dhe detyrimet e të drejtat që parashikohen në kontratën e lidhur me MIE. Gjithsesi ERE do të njoftojë MIE-n për dhënien e këtij autorizimi dhe vlerësohet që ky vendim të jetë objekt rishikimi nëse nga ana e MIE-s depozitohet ndonjë qëndrim në lidhje me detyrimet që i burojnë shoqërisë nga kontrata nr. 15 rep., nr. 8 kol., datë 10.01.2018.*
- Dhënia e autorizimit nga ERE për ndryshimin e ortakut që kontrollojnë interesat e shoqërisë “D I E Z E L A” sh.p.k., nuk e përjashton këtë të fundit nga detyrimi për të marrë autorizimet/miratimet e nevojshme nga palë të treta, në rast se kërkohet prej tyre.

Për gjithë sa më sipër, bordi i ERE-s,

**Vendosi:**

1. Dhënien e autorizimit nga ERE për ndryshimin e ortakëve, nga Z. K M (me 100% të kuotave të kapitalit), te Z. L M (me 55% të kuotave të kapitalit) dhe Z. C Q (me 45% të kuotave të kapitalit) për shoqërinë “D I E Z E L A” sh.p.k. (sipas kontratës për shitjen e kuotës datë 26.03.2025).
2. Ortakët e shoqërisë “D I E Z E L A” sh.p.k. ndryshojnë dhe bëhen Z. L M dhe Z. C Q, ku Z. L M bëhet ortaku kryesor që kontrollon interesat e shoqërisë “D I E Z E L A” sh.p.k. (me 55% të kuotave).
3. Shoqëria të depozitojë në ERE qëndrimin/miratimin e MIE-s, menjëherë pas disponimit të kësaj të fundit.
4. Dhënia e autorizimit nga ERE për ndryshimin e ortakut që kontrollon interesat e shoqërisë “D I E Z E L A” sh.p.k., nuk e çliron këtë të fundit nga detyrimi për të marrë autorizimin/miratimin e organeve të tjera apo palëve të treta për këtë ndryshim, në rast se kjo kërkohet nga këto organe.
5. Ky vendim është objekt rishikimi nga ERE në zbatim të pikës 3 dhe 4, si dhe në rast se nga MIE depozitohet një qëndrim ndryshe në lidhje me detyrimet që i burojnë shoqërisë nga kontrata e nënshkruar datë 10.01.2018, apo çdo akt tjetër i ndryshuar që i ka shërbyer kësaj vendimarrje.

Ky vendim hyn në fuqi menjëherë.

Çdo palë e përfshirë në këtë procedurë mund t’i kërkojë ERE-s, brenda 7 ditëve kalendarike nga data e marrjes së vendimit, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

**KRYETARI**

**Petrit AHMETI**